

中國方志叢書·華中地方·第七四七號

據

清·陳蔭昌等修、石景芬等纂
清同治十三年刊本

影印

江 西 省

大庾縣志

(三)

成文出版社有限公司印行

大庾縣志卷之十四

藝文

序記

開鑿大庾嶺路序

唐蘇大詵

先天二代龍集癸丑我皇帝御宇之明年也理內及外窮
幽極遠日月普燭舟車運行無不求其所甯易其所弊者
也初嶺東廢路人苦峻極行逕負緣數里重林之表飛梁
嵯巖千丈層崖之峯顛躋用惕漸絕其元故以載則曾不
容軌以運則負之以背而海外諸國日以通商齒革羽毛
之殷魚鹽蜃蛤之利上足以備府庫之用下足以贍江淮

之求而越人綿力薄財夫負妻戴勞亦久矣不虞一朝而見恤者也不有聖政其何以臻茲乎開元四載冬十有一月俾使臣左拾遺內供奉張九齡飲水載懷執藝是度緣磴道披灌叢相其山谷之宜革其坂險之故歲已農隙入斯子來役匪逾時成者不日則已坦坦而方五軌闐闐而走四通轉輸以之化勞高深爲之失險於是乎鑿耳貫胸之類珠琛絕賁之人有宿有息如京如坻甯與夫越裳白雉之時尉佗翠鳥之獻語重九譯數上千雙若斯而已哉凡趨徒役者聚而議曰慮始者功百而變常樂成者利十而易業一隅何幸二者盡就況啟而未通通而未有斯事

之盛皆我國家元澤浸遠絕垠胥泊古所不載甯可默而
無述也盍刊石立紀以貽來裔是以追之琢之樹之不朽
給事中魏山公蘇訖驤而銘曰山嵯嵯兮石歲鬼欽崟崟
峩兮相蔽虧槎嶮岬兮莽芊芊噫茲路兮不記年大聖作
兮萬物覩惠吾人兮道復古役斯來兮力其成石旣攻兮
山可平懷荒服兮走上京遷萬商兮重九譯車屯軌兮馬
齊跡招孔翠兮徠齒草伊使臣之光兮將永永而無斁

南征奏凱錄序

明費宏

比歲嶺南北盜起甚爲民患巡撫大中丞陽明王公伯安
奉上命令江西湖廣廣東之兵以討之而憲副孝感楊公

廷宜分司南贛實飭兵以備盜於時出入行間効力尤勤
丁丑夏六月率南安守季侯敷等莅上猶破禾沙等巢秋
八月率指揮馮翔等莅南了解圍城之困冬十一月率贛
州守邢侯珣等復莅上猶及南康大庾攻橫水桶岡等寨
厯半載境內始平明年春正月廣東泃頭等賊延蔓未絕
又率邢侯莅能州勦之閱月乃班師以捷聞時憲副公所
部捕斬幾六千人俘獲稱是上錄其功俸一等褒擢之恩
尙有待焉凡郡邑游居之良南北往來之彥嘉武事之就
緒也民生之底甯也畏途之免於相戒也往往撰述歌詩
以爲憲副公賀於是有南征奏凱之錄甯都令王君天與

復專使請序其端凱歌昉於軒轅周官太師以凱樂獻於社春秋城濮之捷晉人振旅凱而入說者謂天地之怒散以凱風故凱奏象焉其在詩則出車以美南仲六月以美吉甫采芑以美方叔江漢以美召虎而周王伐叛救民之功實於此乎著大抵皆凱歌之流也後世有朱鷺芳樹等曲列於鼓吹謂之鐃歌亦多叙戰陣之事若皇武於度方城於愬則又專述其勞而擬之於雅矣夫寇賊殃民有國者不得已而征之君臣上下勞瘁萬狀方事之未集也誠不能無輿尸喋血之憂一旦得雋而歸鼓駮車譟發爲謳歌亦情之不能已者大夫士從而文之以明一時之盛

上附於凱奏之遺音君子固有取焉而孰以爲侈乎憲副公器度才識閎偉敏達而又志存體國念切愛民事不辭難謀必慮遠其在閩嘗奏武平之凱矣今茲嶺北之役帷幄籌畫之諮而出奇制勝功冠諸軍故談者翕然美之蓋其大者若諸縣機兵之不可用則議以所募打手補充募者萬人皆健鬪之兵也且月省募銀八千兩師行凡六閱月所省募銀爲四萬八千兩矣兵餉則取諸儲穀取諸贖刑取諸鹽課得米三萬石銀三萬兩自始事訖於罷兵初未嘗丐貸於公家科擾於民間也茲皆兵之先務而公能處之合宜他可知矣凱豈幸而奏哉王君起甲科有志樹

立其治兵衛也與公周旋憂心孔疚覩茲功之成宜其喜甚而欲予張之予雅辱公知亦深於助喜者乃不辭而爲之序

平寇錄序

明羅玘

正德十二年秋上命都察院左僉都御史王守仁爲提督召官裒兵開軍門於南安用翦平諸寇孽爲民害者於時應召而來都指揮僉事許清至自司知府邢珣至自贛唐瀉至自汀伍文定至自吉李敷治通軍門指揮郝文如之指揮余恩自贛至知縣王天與自甯都至張戩自程鄉至南康縣丞舒富先立戰功亦在選胥集纛下軍門審分之

爲十道道與卒千釐爲左右翼兵備副使分守參議以精
兵衛餉道比遊擊軍門隨以推官危壽指揮謝昶馬廷瑞
卒千殿中軍下令曰惟天子不鄙夷守仁俾與二三臣工
承茲大役顧就緒不就緒國有彝典在卒其曹誅伍畀在
守仁又曰兵法攻堅則韞乘瑕則神吾度桶岡遠左谿橫
水迫且屢韞瑕果乘之則堅且易與耳乃十月己酉禡中
軍趨橫水則清珣天與右翼趨左谿則文瀄敦恩富左翼
趨文定戡且趨且擊以遏奔衝約與中軍會甲寅中軍迫
橫水而陳以緣旅猱升絕巘夜半燎起礮訇林壑震駭兵
環蹙之黎明破壘五遂破橫水各道乘勝破壘二十有三

遂破左谿中軍則閉營休兵以先各營會湖廣巡撫院約
犄角桶岡不爲應戊午令各道縱進己巳破壘一十有五
諸橫左者悉平乃領兵笑曰五日桶江耳諜瑣匙龍入利
十一月癸亥令十道俱發冒雨吾疾登會已背絕壁阻水
陳珣亂前前戩衝其右文定繞其旁急擊之賊少却富天
與疾趨接戰賊奔涪迎擊賊敗申戌合兵大戰賊遂大敗
破壘十有八得大酋凡八十六於是百年逋誅之寇隕然
土崩矣嘻宸樞廟算一何神耶方獄羣僚大悅哀詩次爲
平寇錄於以爲國賀爲天下賀來屬玘序玘懼或塵乙夜
之覽名氏不敢諱也乃燧孫氏金秦氏兩巡撫副都御史

二
僑屠氏巡按御史璋楊氏副史宏黃氏參議又推本吏部
尙書華守仁父也用獻吾君益重世臣焉

南安府志序

劉節
邑人

此南安重修郡志也郡何古國也郡志何古國史也國史
何紀一國也郡志紀一郡焉猶夫一國史也是故郡志古
國史也夫史堯舜典禹貢湯大誥周周官立政尙已周季
列國有史備紀載兼褒貶晉乘楚檮杌魯春秋是已漢司
馬遷始作史記紀表世家書傳異焉皆史也班固而下相
襲爲史紀表列傳猶夫遷也易書爲志矣皆史也夫志也
如其史則志可也書可也表可也傳亦可也是故輿圖可

表也沿革可表也天文可志也地理可志也食貨可志也
亦可書也人物可傳也亦可表也職官可表也亦可志也
循吏可傳也道學可傳也儒林獨行可傳也藝文可志也
禮樂可志也亦可書也其義則乘可也檮杌可也春秋不
可也春秋孔子假魯史寓一王之法也志也者紀一代之
制可也寓一王之法不可也作志而史遷可也固可也任
狐亦可也僭而擬孔子不可也南安郡志作自前古不可
考矣宋知軍事方崧卿氏軍學教授許開氏修文卷二十
拾遺卷一今亦不可考矣我文皇帝闡文興治大典肇修
天下作志者收輯殘闕始有纂述睿皇帝右文稽古命儒

臣作一統志布之天下天下郡邑纂言紀事文同制同孰
敢倍越是故斯志也景泰間郡人僉憲蔡公雲翰嘗修之
猶夫志也成化間郡守張公弼增修之猶夫志也正德間
郡守季公敷重修之聘參藩吉水曾公煥鄉進士泰和劉
君潛總修學官弟子劉魁劉慎劉宰彭甫蔣曰旦蔡日齊
隱士許金采錄猶夫志也嘉靖改元郡伯何公文邦取而
筆削之於史固有取焉校正則屬之郡博士秦銳也是故
若志也義史者公志也文弗史者固志也匪公志也而公
之功則懋矣君子稱之

東山序

劉節

東山敦孝也孝子道也敦孝竭子道也詩曰王事靡盬不遑將母言子道也夫子道臣道之本也子道缺臣道微矣是故敦孝以教忠也忠臣道也教忠篤臣道也詩曰是用歌將母來諗教忠之謂也臬大夫凌川傳子昔守畿內郡將母以養有愛日之誠焉詩人爲之賦東山君子曰東山賦鵠羽其亡矣何也四牡周道也鵠羽非周道也詩人胡取乎東山東山固周道也詩曰君子所履小人所視

道源書院訓言序

國朝
雷 鉉

自有宋周程夫子直接孔孟之傳朱子繼承而光大之昭昭然若揭日月於中天顧周程之相授受實自南安始程

大中公倅南安周子攝司理二程子因受業焉余竊意其山川必鍾宇宙精純淵粹之氣故得大賢相聚而開千百年之絕學惜未得週覽其間以慰仰止之思太守心水游公久任是邦建道源書院於東山之上延思亭黃先生主講席游公政行事舉教澤洽人心每至書院懇懇爲諸生遡道源之傳勗以躬行心得之要思亭先生日月刮磨屏斥俗尙一以窮經克己爲務諸生饜飫訓言思壽之梨棗以永其傳郵書至京師屬予一言余於道無所窺尋而二君子皆吾閩人游公素以學行重於鄉余心慕而未之見思亭先生予同年友其宰廣昌之治績人嘆爲百年所未

有宜乎諸生之佩服不能忘也道源統緒自周程而衍於
閩今復自閩而振於南安亦循環往復之機歟大庾令尹
余君承游公命興廢舉墜於書院尤殫厥心亦閩人故并
誌之

道源書院課藝初集序

郡守 游紹安 福清人

余誦昔賢百工居肆之書嘗歎軍州書院爲學道之肆守
土者不宜視爲緩圖也壬子歲出守南安南安僻處嶺表
距會城千餘里風氣得之最遠一二有志之士景白鹿鵝
湖勝槩不無仰止而慨然者顧莫爲之先何哉余蒞官伊
始卽訪周程道源書院欲萃處而作興之奈舊址湮於洪

波一椽無存始謀於東山之麓架精舍數十楹得無礙官
田暨購腴產近千石以資廩餼招諸生講學於茲七載矣
辛酉秋杪前後掌教者郡教授賴步雲邑教諭甘梅巖庾
孝廉楊紫南各錄課藝若干牘請刪定付梓丹黃之下莞
然色喜夫自帖括應制縱有夔龍必以此爲羔鴈故士子
皆欲程材宗匠以求一當然鎖院祇分妍媸於三闈學使
兩衡亦僅短長於風簷寸晷多士雖受裁成而引繩操墨
者未久也則涵濡包孕志篤業專哀然集一時鉅製惟書
院刮磨之技博而最精第是文章鐫鑰至今日洞開矣匪
但神矩獲於前明杼軸於